

Angajoqqaanut paasissutissiissut

Isikkut aseruuttoorneq (conjunctivitis)

Isimikkut aseruuttoortoqarsimammatt angajoqqaatut nappaatip tuniluussinnaaneranut annikillisitseqataasinnaavutit. Ilitsersuut atuaruk meeqqallu isimigut aseruuttoorpat sulisut tamatuminnga ilisimatikkit.

Isip ameraasaata qalliup isimik uisorersaammillu qalliisukkut aseruuttoorneq.

Tunillatsinneq

Nappaat atortut soorlu allarutit pingussallu aqqutigalugit tuniluuttarpoq. Quersornikkuttaaq tangajornikkulluunniit silaannarmut serpalinnertigut tuniluussinnaasarpoq.

Pitsaaliuineq

Isikkut aseruuttoorneq eqqiluisaarluarnikkut pitsaaliorneqarsinnaavoq. Eqqortumik assaat eqqiluutsuutinnissaat pingaaruteqarpoq. Isinit seerisumik attuereernermi assaat asattakkit. Nalinginnaasumik eqqiluutsunik attuissatinnani (ass. igaffimmi sulilersinnani, nerriviliulersinnani imal. paarnanik naatitanik agguilersinnani) assaat asaqqaarneqassapput, taamatullu mingulinnik attuereernermi assaat asanneqassapput. Isikkut aseruuttoornerup allarutitigut ermiutitigullu tuniluussinnaanerata pitsaaliornissaa qulakkeernejartariaqarpoq.

Nappaammut ersiutit

Isikkut aseruuttoorneq sakkukitsumik atorneqarsinnaavoq peruluutaasinnaallunilu.

Nappaammik sakkukitsumik atuineq:

Meeqqat nuattut akornanni isikkut aseruuttoortarnerit sakkukitsunnguamik atorneqartartut assigiinngitsut marluupput.

Siulleg isinik aappillersitsilaartarpoq qullilisitsilluni pingaartumillu iteqqaarnermi serpeqartitsisarlu. Tamanna qullit sulluata ameraasaata pullalluni milinnganeranik patsiseqarpoq. Meeqqat taakku meeqqerivimmiissinnaapput.

Aappaa tappiorannartumik virus-inik tuniluutiasuunngitsumik patsiseqarpoq. Isiluummut tamatumunnga ersiutit malunnangaanngillat peqqissuserlu sunniivigineqassanani. Antibiotika sunniuteqanngilaq. Meeqqat taakku aamma meeqqerivimmiiginnarsinnaapput.

Isiluutit taakku marluk nalinginnaaqaat meeqqallu tamangajammik tamatuminnga misigisaqarsimapput. Ajornartorsiut sap. ak. sinnerlugu attanneqarpat meeraq peqqinnissaqarfimmit misissorneqassaaq, nakorsarneqarnissaaq iliuuseqartoqarnissaalu pisariaqartinneqarpat tamanna aalajangiivigineqassaaq.

Nappaammik sakkortuumik atuineq:

Qaqutigut tappiorannartunik virus-inik bakterissanilluunniit patsiseqartumik sakkortuumik isiluuteqartoqarsinnaavoq. Taamaattoqartillugu isi marniliuuttarpoq, aappilerluni- ameraasaq isimik uisorersaammillu qalliisoq pullalersarluni. Meeqqap isi panertutut misigisarpaa,

Nunatsinni Nakorsaaneqarfik

qasilisitsisarpog ilaatigullu qaamaneq sapilersarpaa qullikuulersarlunilu. Nalinginnaasumik peqqissusaa sunnerneqarsimasinnaavoq.

Taama isiluuteqarneq tuniluutiasuummat meeraq meeqqerivimmiitinneqassanngilaq peqqinnissaqarfimmillu nakorsarneqarnissaq pisariaqarpoq.

Nakorsartinneq

Isikkut aseruuttoorneq suugaluarpas isip aappaanut tuniluuteqqunagu saleqqissaartariaqarpoq. Isit salilersinnagit salerernerinilu assaat asaqqissaarneqassapput aamma imal. tappiorannartuiarneqassapput.

Vat-i imermik kissalaartumik masatsarlugu marneq isip qingvaniit silammut peerneqassaaq.

Vat-i ataasiaannarlugu atorneqassaaq.

Nuffasernermit atatillugu serpiliorneq tappiorannartumillu virus-imik patsiseqartut sakkukitsumik atorneqartut annikitsuinnarmik iluaalliuutaasinnaasarmata antibiotika-llu virus-inut taakkununga sunniuteqanngimmata nakorsartariaqanngillat. Nappaammut ersiutit annikillisinnaarlugit isit salinneqartarnissaat naammappog. Nappaammut ersiutit sapaatip akunnerata qaangiunnerani peerussimanngippata meeraq nakorsiuttariaqassaaq.

Isikkut aseruuttoornerit annertunerusut nakorsarneqartariaqarput. Nappaat nangeqqeqqunagu nakorsartinnerup maleruaqqissaarnissaa annertuumik pingaaruteqarpoq.

Isikkut aseruuttoornerni taamaattuni meeqqap meeqqeriviliaqqissinnaanissaa peqqinnissaqarfimmit naliliivigineqartarpoq.

Meeqqerivimmukaqqinnissaq

Meeqqat annertuumik isimikkut aseruuttoortut meeqqerivimukaanneqassanngillat:

- annertuumik marniliuuttoornermi
- isi aseruuttoorfiuppat qaamanerlu inngiagineqarpat
- isi aseruuttoorfiuppat nalinginnaasumillu peqqissuseq sunnerneqarsimappat.

Meeraq nappaammut taama ersiutilik nakorsamit misissorneqartariaqarpoq.

Meeraq sivikinnerpaamik ulluni unnuanilu marlunni nakorsartereerpat, nappaammut ersiutit peeruppata- nakorsartinneq suli naammassinngikkaluaq meeqqerivimmukarsinnaavoq.